

## ADA komponenta

Trajanje: 1. oktobar 2017 – 30. septembar 2020

Projekat “**Muškarci i dječaci kao partneri u promovisanju rodne ravnopravnosti i rješavanju pitanja ekstremizma i nasilja mladih na Zapadnom Balkanu**” je započet **1. oktobra 2017. godine** i podržan od strane Austrijske razvojne agencije.

Projekat **Muškarci i dječaci kao partneri u promovisanju rodne ravnopravnosti i rješavanju pitanja ekstremizma i nasilja mladih na Zapadnom Balkanu** ili projekat Inicijativa mladića II (YMI II) predstavlja inicijativu CARE International Balkans čiji je dio Perpetuum Mobile – Institutu za razvoj mladih i zajednice. On predstavlja inicijativu za sveobuhvatne i programske napore u borbi protiv interpersonalnog i rodno zasnovanog nasilja (RZN) kao i na unapređivanje rodne ravnopravnosti u regionu i razmatranje preventivnih pitanja u vezi sa ekstremizmom i nasiljem mladih. Cilj projekta je da se obezbijedi pozitivno i mirno društvo za mlade ljude u Srbiji, Kosovu, Albaniji i Bosni i Hercegovini, koje podržava rodnu ravnopravnost i smanjuje interpersonalno nasilje i njegov ekstremizam.

Ovaj projekat ima za cilj **povećanje obima i uključivanje ranijih dostignuća** vezanih za implementaciju **Programa rodno transformativnih životnih vještina, ili skraćeno Programa Y**, putem ciljanog zagovaranja i bliske saradnje sa zainteresovanim stranama kroz **podršku pokretu/izgradnji koalicije** putem izgradnje novih saveza koji angažuju roditelje i građane u podršci rodno ravnopravnom programu edukacije fokusiranom na životne vještine. Jedan od glavnih ciljeva projekta je **razvoj edukativnih alata za proširenje takvih aktivnosti kao što su online edukacija i saradnja sa univerzitetima u obuci novih edukatora**. Perpetuum Mobile će u **odabranim srednjim stručnim školama** sprovesti edukacije i izgradnju kapaciteta nastavnika/ica i stručnih saradnika/ica za implementaciju Programa Y.

Pored toga, novi sveobuhvatni model, **Program Y plus** će biti pokrenut u saradnji sa izabranom grupom mladih ugroženih nasiljem i ekstremizmom. Ovaj model ima za cilj da osnaži veze u zajednici i da analizira višestruke slojeve isključenosti koji često vode ka ekstremizmu. Uz podršku ovog projekta implementiraće se **kampanje koje ciljaju mlade i odabrane zajednice, u pogledu govora mržnje i promovisanja pozitivnih uloga svih članova zajednice u rješavanju pitanja ekstremizma i nasilja**. Projekat će se prvenstveno nadovezati na korištenje društvenih medija, ali će takođe uključiti popularne medije i umjetnosti za dalje slanje poruka i dopiranje do ugroženih grupa. Relevantne zainteresovane strane podrazumijevaju ministarstva obrazovanja, javne gender agencije, akademske institucije, srednje škole, edukatore, medije i druge relevantne aktere.